

Von der Gab der Sprachen/  
vnd anderen Wunderwercken / welche  
Gott durch seinen Diener  
gewircket.

**I**n der anderen Dingen / welche  
den Heyden vnd ynglaubigen an  
dem H. Francisco verwunderlich  
vorkommen / ware die Gab der Sprachen/  
welche wie jedermann weiß / eygentlich den  
Apostlen vnd Apostolischen Männern zu-  
gehört. Es waren in den Ländern / so der  
H. Mann durchlossen / mehr dann hundert  
vnderschiedliche Sprachen zu finden / deren  
dreyssig gänglich vnderscheidē / dz sie durch-  
aus in keinē zusamstimen. Nichts destowe-  
niger aber / so bald Xaverius in einer neuen  
Landschafft angelanget / hat er nit allein selb-  
bige Zñwohner verstanden / sonder auch wol  
vnd zierlich in ihrer Sprach geredt / auch  
vber das so füglich vnd mit solchem Nach-  
druck in selbiger Sprach geprediget / gleich-  
samb er auß deren Dreyen gebürtig wäre:  
welches